

AD  
GUILIELMI CAVE

*Canonici Windesoriensis*

63

CHARTOPHYLACEM  
ECCLESIASTICUM  
PARALIPOMENA.

---

AUCTORE

PAULO COLOMESIO,

Bibliothecæ Lambethanæ Curatore.

---



---

LONDINI,

Impensis Richardi Chiswell, ad Insigne Rosæ Coronatæ  
in Coemiterio D. Pauli. MDCLXXXVI

CHURCH  
CANONICAL  
HARPOPHYACEM  
ECCLASTICUM  
PARALIPOMENA

AUCTOR  
P. AUL. GOLDSMITH  
Editor of the London Standard

85:244

LONDON  
Printed by J. G. & J. H. Smith, 11, Abchurch Lane, E.C. 4

Viro Pietate ac Eruditione præstantissimo

GUILIELMO CAVE,

*SS. Theologiae Doctori,*

ET

Capellæ Regiæ Windesoriensis

CANONICO,

Hanc qualemcumque Observantiæ suæ  
tesseram dicat vovetque

PAULUS COLOMESIUS.

Imprimatur.

Guilelm. Needham RR<sup>m</sup>. in.  
Ex Edib. Lamb. Christo P<sup>re</sup>l. ac D<sup>omi</sup>no D.  
Sept. 12. A. D. Wilhelmo Archiep. Cantuar.  
1685. Sacris Domesticis.



AD  
**GUILIELMI CAVE**

Chartophylacem Ecclesiasticum.

PARALIPOMENA.

**S** CLEMENS. Utriusque Clementis  
 ad Corinthios Epistolæ fragmenta  
 adducit Leontius Cyprius, in Locis  
 • Communibus Theologicis, hacten-  
 nus ineditis, Fr. Turriano teste lib. 5. c. 20.  
 Defensionis Epistolarum Pontificum. Fru-  
 stra est itaque David Blondellus, Prolego-  
 menis in Pseudo-Isidorum p. 83. cum ait:  
*Quo opere Leontius? An caret titulo MSS. Co-  
 dex, quo usus est Jesuita?* Ex hisce, opinor,  
 Leontii Locis Communibus, Clementis  
 Epistolæ secundæ ad Corinthios locum lan-  
 dat Johannes Damascenus, in Parallelis  
 MSS. Collegii Claromontani. Fragmentum  
 illud videre est in doctissimi Cotelæri No-  
 tis ad Clementis Epistolas. Quod minus  
 animadversum eruditissimo ac vigilantissi-  
 mo Oxoniensium Antistiti Johanni Fell, in  
 sua Clementis Epistolarum editione. Uri-  
 nam suam publico dantis non invidet vir  
 magnus Johannes Pearson, Cæstrigium  
 Episcopus sui ætate in 1697.

## Paralipomena ad

S. IGNATIUS. Antiquam Ignatii Epistolarum versionem Latinam ex Bibliotheca Vaticana laudat Fr. Turrianus (ob infinitam ejus lectionem saepius a nobis advocandus) in Defensione Canonum Apostolicorum, circa initium. De hac versione ne 2<sup>o</sup> quidem Ignatii Epistolarum Editores.

S. POLYCARPUS. Baronius Notis ad Martyrologium Romanum, ait. Fr. Turrianus Polycarpi Epistolam MS. habere edita authenticorem. Quod haud falsum esse postea comprehendimus, ex loco scilicet quodam ab ipso Turriano allato, in Defensione Epistolarum Pontificum. Fuit, nimirum Turriani Codex ex Barnaba Epistola non uno loco interpolatus, ut ante nos vidit Jacobus Simonides. Ipsa Barnabae Epistola (quod obiter dictum sit) fuit, videm, interpolata ex Chronico sub Methodii nomine, quod inter Græci Orthodoxographia occurrit. Confer cum hoc Chronico quæ in fine Notarum ad Epistolam Barnabae habet clarissimus J. Vossius, & paria nobiscum senties.

ATHENAGORAS. Ex antiquis Ecclesiæ Doctoribus, qui Athenagoram laudet, præter Methodium, novum neminem. Locus extat tum apud Epiphanium hæresi 64. sect. 1. tum apud Photium in Bibliotheca Cod. 234. sed apud illum mendose. Ex ingenio restituitur, vir natus emendatissime Paulus Leopardus. Emendat. lib. 19. c. 9. Non est proinde cui dubitet Baronius Notis ad diem 18. Januarii, an opera tribuit Athenagoræ, sive S. Martyris Athenogenis. An Amatoria Gallicè versa ac edita sub nomine

Athena-

## *Chartophylac. Ecclesiast.*

3

Athenagoræ, hujus nostri sint planè nescio.  
Huic abjudicat clarissimus Huetius. Ego  
ampliandum censeo.

**SOMERNIUS.** Episcopus iste in Catena  
MS. in Jobum Joh. à S<sup>to</sup> Andrea olim Pa-  
risiensis Canonici, Sidenfis dicitur. In alia  
itidem MS. celeberrimi Joh. Vincentii  
Pinelli, Methodius Sida. Utrobique opi-  
nor, à patria. Sida Pamphiliæ civitas, in  
qua etiam natus est Troilius Sophista, de  
quo Socrates Historicus. Troili hujus Pro-  
legomena MSS. in Hermogenem non semel  
laudat Gerardus Langbaine, in politissimis  
ad Longinum Notis. Alia Scripta memo-  
rat Suidas.

**JULIUS AFRICANUS** Christianorum, mea  
quidem sententiâ, doctissimus, Syrus fuit ex  
Emmante, & Bardefani Partho, & Enan-  
caro Mani Arabum Regis filio familiaris.  
De hujus cæsis consulas velim Henricam  
Valesium in secundis ad Eusebii Historiam  
curis, J. Vossium ad Catullum & Alex.  
Barvoetium Jesuitam in Catalogo Cod.  
MSS. Bibliothecæ Scorialensis. Julius qui-  
dam in Olympiodori Catena in Jobum à  
Paulo Comitolo Venetiis edita non semel  
laudatur. Julium istum eundem esse exi-  
stimo, cum eo qui in Johannem Commenta-  
ria scripsit, Mosi Bar-Cepha in Libro de  
Paradiso laudata. De Julio isto nihil satis  
certi habet quod pronunciet sagaci vir inge-  
nio Andreas Mathus, nisi fortassis, inquit,  
sit Africanus. Sanè Julius iste in Catena  
Corderiana in Johannem Episcopus dicitur.  
Et Hebedjesu Sobensis Metropolita in

# Paralipomena ad

Tractatu de Scriptoribus Chaldaeis Julium Africanum Episcopum Emmanu. fuisse tradit. Quae doctis dispicienda relinquitur.

**VALENTINUS & BASILIDES** Valentini Psalmos & Basilidis Odas memorat Origenes in Catena in Jobum modo laudata pag. 345. Quod in Catena a Patricio Junio edita incassum, ni fallor, queras. Valentini Psalmorum etiam meminit Tertullianus libro de carne Christi; ut Hieracis; Epiphanius haeresi 69. & Donatistarum; Augustinus Ep. 119. c. 1.

**HEGESIPPUS.** Ex libro 5. hujus Commentariorum fragmentum affert Stephanus Gobarus Tridheita, apud Photium Cod. 232. Ex hoc fragmento colligere est Hegesippum hunc praeclare sensisse de loco a D. Paulo allato 1 Cor. 2. 9. Porro liberior Josephi librorum de bello Judaico interpretatio, quae circumfertur sub nomine Hegesippi, Ambrosii est. Sed Librarii nomen Josippi, id est Josephi, mutarunt in Igisippi; cujus rei fidem faciunt membranae pervetustae clarissimi J. Vossii, in quibus, eraso Josippi nomine, alterum substitutum comparet.

**EUSEBIUS** Caesariensis Evangelicas Demonstrationis libros 20. scripserat. Librum 18. laudat Hieronymus Praefatione in Hoseam. Photio lecti sunt Eusebii Ecclesiasticae Demonstrationis libri..... Supplendum forsitan 4. totidem enim extant in Bibliotheca Caesarea; sed tacito Eusebii nomine. Haec tamen Excerpta Eusebii esse recte conjicit Cl. Lambecius, qui ex Photio conjecturam suam firmare potuit.

**EUSEBIUS**

## *Chartophylac. Ecclesiast.*

5

EUSEBIUS Alexandrinus, de quo ne quidem Doctor Cave, vixit, s. Bellarmino, Coccio & aliis Pontificis fides, circa annum 360. Ego verò eum longe juniorem esse existimo. Fuit Ecclesie Alexandrinæ in Asia, non in Africa, Archiepiscopus, si credendum Fr. Turriano, Expositionis Constitutionum Clement. lib. 2. c. 58. Hujus Homilias 18. MSS. se reperisse testatur Turrianus idem in Bibliotheca Cryptæ Ferratæ, quarum fragmenta non contemnenda adducit in Descriptione Epistolarum Pontificum; prolixiora verò Johannes Damascenus in Parallelis, quod nulli hucusque suboluit. Homilias aliquot se editurum receperat Germanorum, uno aut altero excepto, doctissimus Lucas Holstenius. Verùm morte, imminuta nimis, præventus, fidem liberare non potuit.

SYNCRETUS fuit patria Cyrenæus, sed Episcopus Ptolemaidis, quæ urbs est in Cyrenæica. Edidit Dionysius Petavius cum notis, quibus inseruit aliquot Scholia Græca in Epistolas ex Bibliothecis Medicææ & Augustinæ, quæ augere potuisset Scholia ab Hoefschelio allata in limine Notarum ad Photium. Horum Scholiorum forsitan auctor est Matthæus Camariota, Scholarii, qui postea fuit Gemadus Patriarcha, præceptor. Hunc enim Notas in Synesii Epistolas Græcè scripsisse, apud Joh. Zygomalum vanales, asserit Martinus Crasius in Turco-Græciæ p. 187.

ISIDORUS Pelusiota. Plures Isidori hujus Epistolæ hæcenus in lucem non prodire, quam

## Paratipomema ad

quàm bis mille tredecim. Cæterum ad decem millia scriptis Isidorum, atque in his ter mille Scripturam S. exposuisse auctor est Suidas; cuius verba ex optimo Bibliothecæ Regis Galliarum Codice MS. profert Ordinis sui decus Jac. Sirmondus ad Facundum. Quod fugisse miror Isidori Epistolarum novissimos Editores.

S. CYPRIANUS. In antiquo Breviario Toletano extat hymnus, quo Cypriani martyrium egregiè descriptum est. Ejus initium tale est, *Orbis Magister Tascie, &c.* Finis Cypriani Epistolæ ad Iubaianum paulò prolixior occurrit apud Hincmarum tom. 1. p. 356. editionis Sirmondinæ, quàm in editionibus hodiernis. Usus est haud dubiè Hincmarus Codice qui postea fuit Bibliothecæ Rhemensis, quique cæteris auctior erat, ut cognoscere est ex Notis Rigaltianis ad Cypriani Epistolam ad Rogatianum & alios; cuius initium; *Et jam pridem volis, &c.*

S. CHRYSOSTOMI Epistolæ ad Cæsarium apographum habuit ex Bibliotheca Florentina Laurentius Panciatichi, Cardinalis Medicæi Bibliothecarius, cuius copiam ab eo impetrare non potuit Christ. Sandius, ut ipse testatur in Appendice Historiæ Arrianorum; cumque eum interrogaret quid Epistola illa contineret, respondit Panciatichi se non audere id propalare. Chrysostomi Homiliis in totum Psalterium (quarum partem tantum habemus) usus est Wilhelmus Lindanus, ex Cardinalis Granvelli Bibliotheca. Has in Latinum Sermonem.

monum verum Martinus Duncanus, eodem  
Lindano teste, Praefatione in Psalterium  
verum ab eo castigatum. Verum translacio ista  
nunquam prodit. Veteris Testamenti Sy-  
nopsis, auctore Chrysostomo, MS. occurrit  
apud Cl. J. Vossium.

S. ATHANASIOS. Inter Codices MSS.  
Caroli de Montchal, Archiep. Tolosani,  
fuit B. Antonii Vita auctore Athanasio, lon-  
ge melior edita, quam cum contulisset Lu-  
cas Holstenius, & ex ea meliorem facere  
voluisset, in editione ultima Parisiensi Ope-  
rum Athanasii collectanea ejus Typographi  
omiserunt. Haec nos docuit Philippus Lab-  
beus in Codd. MSS. Bibliotheca p. 202.

LEONTIUS Cyrius Locos Communes  
Theologicos scripsit, de quibus in haec  
verba P. Turrianus lib. 1. de Hierarchi-  
ca Ordinationibus Ministrorum Ecclesiae  
cap. 12. *Johannes Damascenus tribus libris*  
*Thematicis scripsit. Fecerunt & hoc ante eum*  
*alii, quos ille imitatus est, ut Leontius Cyrius*  
*dubio voluminibus, altero nov. Salar, quod non-*  
*dum ad meum venit, altero nov. Asplonov,*  
*quod venit.* Eosdem Locos Theologicos me-  
morat Sirmiondus ad Facundum p. 76.  
Praeter Leontium & Damascenum, Locos  
communes e Scriptura & Patribus decerptos  
scripsere S. Maximus & Antonius. Inter  
Latinos Defensor quidam in Scintillis, in  
Urfini nutritoris sui gratiam scriptis. Liber  
Antuerpiae, Venetiis & Coloniae superiori  
saeculo est excusus. Quo tempore vixit  
auctor, nondum comperi.

GELASIUS, Papa ex Scholastico effectus in ordine 48. fecit tractatus (f. tractus) & hymnos, sicut B. Ambrosius, præfationem quoque, id est exhortationem ante sacrificium, & obsecrationem & consecrationem principalem. Hæc auctor vetustus satis, de Officio Missæ, optimo Cassandro memoratus in Liturgicis. Ex quo meridiana luce clarius patet quis fuerit Scholasticus ille Gregorio M. lib. 7. ep. 64. laudatus, de quo tam anxie eruditi, & novissime clarissimus Dallæus.

HIERONYMUS. Licet Hieronymus eloquiū viribus tantum potuerit efficere, ut ejus Bibliorum ex Hebræo tralatio a mille pene & ducentis annis in plerisque Occidentis Ecclesiis obtinuerit, haud paucos tamen habuit sibi minime faventes. Inter Latinos eminent Augustinus & Rufinus: Inter Græcos magnus ille Theodorus Mopsuestenus, & quantum conjecturis assequi fas est, Olympiodorus Diaconus. Theodori locus, a nemine, quod sciam, observatus, habetur apud Photium p. 394. editionis Rothomagensis; Olympiodori verò, in Catena Patris Comitoli in Jobum p. 43. editionis Venetæ. De genuinis Hieronymi in Psalmos Commentariis (de quibus silent qui de Scriptoribus Ecclesiasticis ex professo egere) sic Fr. Turrianus lib. 2. cap. 6. Apologiæ pro Epistolis Pontificum: *In Commentariis Hieronymi prolixioribus, eruditissimis, quos in Psalmos scripsit, qui in multis Bibliothecis MSS. extant, Psalmo 15. Immutabo, inquit, nomina illorum, & de Simone Petrum faciam, quia*  
super



*super petram illius mea fundata est Ecclesia :*  
*de filio Zebedai filios tonitrui, sublimia enim*  
*illius Evangelii mei commissurus sum Sacramen-*  
*ta. Obiter moneo extare apud Cl. Jf. Vos-*  
*sium Opusculorum Hieronymi Codicem*  
*antiquum, ex quo loci aliquamulti in*  
*Mariani Victorii editione restitui possunt.*

S. EPHRAIM Syri affirmant Orationes  
 supra mille scripsisse: quibus etiam concinit  
 (cujus gravis est in historia, non item in  
 dogmatibus fides) Eusebius ille Pamphili  
 cognomento. Hæc Photius in Bibliotheca  
 Cod. 196. qui in eo memoriâ lapsus est,  
 quod Eusebium pro Sozomeno laudarit.  
 Syrorum ac Sozomeni testimonia firmat  
 Andreas Mafius, vir nunquam sine laude  
 nominandus, in aurea illa Præfatione in  
 Mosem Bar-Cepha de Paradiso. Verba hic  
 apponemus: *In primis maximi facere hic no-*  
*stet Bar-Cepha videtur ipsam Ephram, sive, ut*  
*Hebraei & Syri vocant, Ephraim: quem D. Hie-*  
*ronymus quoque ab acumine sublimis ingenii*  
*laudat in Catalogo Scriptorum Ecclesiasticorum.*  
*Mihi certe Doctor meus Syrus (Moses Mar-*  
*denus) sæpe solebat dicere: nullius alterius*  
*Scriptoris plura prastantioraque de rebus sacris*  
*volumina apud Syros haberi; ut mihi cum An-*  
*gustino nostro conferendus videretur, is tñ ꝑ*  
*maxima. Hoc ego certe affirmare possum,*  
*nihil elegantius, nihil suavius, nihil etiam acu-*  
*tius barbara illa aliqui lingua dici posse, quam*  
*ea mihi visa sunt, qua adhuc illius legi. Ut*  
*ex animo dolendum sit divini illius ingenii non*  
*majorem ad nos fructum afferri, quo Bardesana*  
*heretici acutissimi & Harmonii ejus discipulis*  
*nuga,*

naga, quæ cum maxima Edessa, tum prope Syria uniuersæ Ecclesiæ occupauerant, glorie suæ expugnata atque profligata.

ISIDORUS Hispalensis. Boxhornius ad Historiæ Augustæ Scriptores p. 799. Non possum eruditum & Ecclesiasticæ antiquitatis studiosum Lectorem hoc loco gaudium meum celare: repertum nempe à me esse superioribus diebus illustre & bene longum Isidori Hispalensis Episcopi fragmentum de Institutione *Pejuni Quadragesimalis*, quod alibi, si vitam Deus dederit, publici jure faciam. An fragmentum illud ediderit Boxhornius, nobis incomperitum; quod, aut egregie fallor, non aliud fuit ab Isidori 36. capite libri primi de Officiis Ecclesiasticis.

PACIANUS. Inter Paciani Barcinonensis Episcopi Scripta Hieronymo memorata occurrit *xixc*, vox Hieronymi Catalogo ex Sophronio (qui ante Suidam vixit) intrusa. Pro *xixc* enim certus legas apud Preculsum, corruptè, ut nemo non videt, pro *cervus*; Sic certe Hieronymi Codex MS. quem in Bibliotheca Lambethana inspeximus, locum nobis indicante viro in omni antiquitate versatissimo Henrico Maurice, Doctore Theologo, & Guilielmo Cantuariensi Archiepiscopo à Sacris Domesticis. Fuit nimirum ludicri genus apud Paganos in multis Galliæ nostræ urbibus & apud Christianos usurpatum, quod Altissiodorensis Concilii Patres vocant *cervulum facere*. Morem hunc apud Hispanos haud dubie etiam vigentem ut reprehenderet Pacianus, Librum scripsit, cui titulus erat *Cervus* vel *Cervulum*, Paciano

Paciano ipsi laudatum in Exhortatione ad Poenitentiam. De hoc more plura si velis adi Savaronem in Libello Gallico de Personis, & Sirmondum in Antirrheticis contra Petrum Aurelium, h. e. ut ferunt, Joh. Vergerium Maurannium, S. Cyrani in Biturigibus Abbatem. Paciani editio omnium optima, Romana est, a Paulo Manutio curata. Hanc si vidisset Joh. Fred. Gronovius, tot Paciani locos frustra tentasset, in Notatis ad Scriptores Ecclesiasticos.

LUCIFER Caralitanus. Hujus novam editionem pollicetur vir in Patrum Scriptis exercitatus Joh. Bapt. Coteletius ad Scriptores Apostolicos p. 177. his verbis: *Admonitum te velim, Lector candide, me in Lucifero, auctore omnino depravatisimo, purganda plurimum laboris impendisse, paratūque esse ad procurandam editionem, si librum aliquem MS. pallius fuero. Ut si forte in manus tuas aut notitiam venerit, mecum communicare non designaveris, hominem non ingratus singulari beneficio tibi devincturum.* Lucifer Caralitanus (Socrati Historico Καλαίαν Ἐκκλεσιῶν) Casaubono dicitur ad Spartianum Scriptor ingenio juxta ac stilo datus, mihi verò utilissimus auctor ad geminam Septuaginta Interpretum Translationis & Novi Instrumenti lectionem eruendam.

EPIPHANIUS. Multum debemus diligentissimo Petavio ob Epiphani editionem & ob eruditam ingenii Notas, quarum Appendix apud Cratnium est excusa A. 1624. Sed si denuo edatur Scriptor ille præstantissimus, ei inferenda erit Epistola ad Dioscorum

dorum Tarsensem, Equari fere totam, sed Latine, nobis servavit Facundus) de Gemmis 12. vellis Agnoscitur; cuius hodie pars tantum edita est cum nudo nomine Diodoti. Addendæ etiam erunt Thomæ Gatakeri viri doctissimi Emendationes; quas in ejus Adversarius Miscellaneis reperire est. Epiphaniū Panarium elegantissimis characteribus exaratum pages 10 esse ait Caspar Barthius ad Claudianum p. 243. editionis primæ.

EUTHYMIUS in Psalmos & in Evangelia Græcè hætenus ineditus est. Extat tamen, ut audio, in variis Bibliothecis. De eo & ejus Panoplia illustrissima ac doctissima Princeps Anna Commena, Alexiados libro 15. Locum, utpote lectu dignissimum, hic subijciemus, ex Versione Petri Pollini: *Aut Dogmatica Panoplia iussu mei Patrie scripta atque edita est Monachus Zygadenus nomine, matris domina mea avia materna, & omnibus Deo sacris hominibus, Sacerdotibus ac Pontificibus familiaris. Hunc summum Grammaticum, eundemque Rhetorem non exercitatum: Theologia vero & Catholici dogmatis præ omnibus scientissimum, Augustus Pater meus ad se accersitum iussit, digerere ordine in Opus unum cunctas hereses, & unicuique relata singulatim opponere refutationes S. Patrum. Ex hoc Alexii mandato actitis Opus ingens plures in Libris tributum, cui hodieque universis adhaeret nomenclatio ab Imperatore primo exrogitata atque inacta illa quam diximus Panoplia Dogmatica.*

IOHANNIS Metropolitæ Euchaitarum  
Versus in principales festos dies cum notis  
Etonæ

Eronæ edidit A. 1620. Matthæus Bustus, Eronensis, vir in Rep. literaria non ita notus, sed cujus in Johannem hunc Observationes eruditionem haud protititam redolent. Usus est Codice MS. mendoso satis, & aliquâ parte mutilo. Ad hoc enim Opus pertinere arbitror Versus in Theodoretum, ipsius Operibus Græco-Latinis præfixos. Antonius Verderius supplemento Epitomes Bibliothecæ Gesnerianæ Antiquitates Constantinopolitanas subjunxit; in quibus inter Libros illustrissimæ Principis Domini Jacobi Marmoretæ hunc recenset, cui titulus est: *Origenis Explicatio in Psalterium Davidi*. Tum subjicitur: *Et rursus in Explicationem Origenis habet solutionem Explicationis Johannes Mabropada Metropolitani Sanctissima Metropolitica Ecclesia Euchaitarum*. Hinc lux affulget huic Bibliothecæ Cæsareæ loco lib. 1. p. 149. *Explicatio Johannis Metropolitæ Euchaitarum Mabropadis*. Ubi legendum est, ut optime vidit Lambecius, *Mabropadis*, hoc est cognomine *Nigripedis*; Μαλῆς enim & μαυρὸς Græcis recentioribus idem est atque μέλας.

ΡΥΤΚΥМ Ravennatem, qui vulgò Chrysologus, varias Epistolas scripsisse auctor est Trichemius. Harum fragmenta aliquot me legisse memini in Lumine Animæ (Libro non facile obvio) Matthiæ Farinatoris Carmelitæ, qui claruit circa annum 1320. Sermo de Natali Domini, Lucæ Dacherii Spicilegio tomo 11. insertus, Chrysologi est. Quod minus advertit Senex optimus, & ipso prior Chiffletius Jesuita. Extat non semel editus inter Chrysologi Sermones,

auctior etiam & emendatior MS. Chifletiano.

**HULDRIcus.** Epistola ad Nicolaum primum, Huldrico Augustano Episcopo vulgò tributa, ex testimonio Bertholdi, Constantiensis Presbyteri, in Appendice ad Hermannum Contractum, & *Aeneæ Sylvii* in Libro de moribus Germanorum: Hæc, inquam, Epistola in MS. Codice Monasterii olim S. Augustini Cantuariensis, Volusiani Carthagenensis Episcopi nomen præfert. Edidit cum alia Nicolao primo itidem inscripta Joh. Foxus Londini A. 1569. Monuit me vir Infularum ornamentis conspicuus, sed pietate ac eruditione longè clarior, Guilielmus Sancroft, totius Angliæ Primas, Patronus meus benignissimus, Reverendissimum Hallum in Scriptis suis Epistolam hanc memorasse sub Volusiani nomine. Quod idem factum optimo Sarisburiensium Antistiti Joh. Jewel, in Disputatione contra Hardingum.

**FLORO** Lugdunensis Ecclesiæ Diacono tribuuntur Acta Synodi Carisiacensis contra Amalarium, Drogoni Caroli M. filio notio, Hetto, vel Hetio, Trevirensi Archiepiscopo, Aldrico Cenomanensi Episcopo, Rabano Fuldensi Abbati, Alberico Lingonensi, & Fagæ (vel Fovæ, ut legit Petrus à S<sup>to</sup> Juliano in Antiquitatibus Burgundiæ) Cabilonensi Episcopis dicata. MSS. habuit N. Ranchinus, Tolosanus Senator. Fragmentum exhibet vir illustris Philippus Mornæus Plessiacus in ingenti Opere de Eucharistia Latine verso & Hanoviae excuso. (abest enim ab editionibus Gallicis) Quæ de Floro modo

modò diximus firmat. Margarinus de la Bigne in Indice Chronologico Bibliothecæ Patrum: *Legi, inquit, in MSS. Codice per antiquo, Florum adfuisse Concilio Carisiacensi temporibus Caroli Calvi, & scripsisse contra Amalarium Lugdunensem.* Adversus Amalarium scripsit etiam Florus in Commentario in Psalmos, in Monasterio Affligementensi in Flandria MS. asservato.

BERTRAMI vel Ratramni Liber de Corpore & Sanguine Domini MS. extitit Parisiis in Jacobi Gillotii Senatoris Bibliotheca. Codicem se vidisse Reverendissimo Usserio testatus est magnus noster Casaubonus, ut doctissimus Præsul asserit in Libro de Ecclesiarum Christianarum Successione. Alius Codex in Belgio nuper inventus est, à candidissimi pectoris Monacho Joh. Mabillonio: *In Belgii partes profectus, (Mabillonium audis in quadam in Acta Benedictinorum Præfatione) Laubiense adit Monasterium, ubi inter Codd. MSS. bene paucos qui restant, binos reperi, unum vetustissimum ab annis fere octingentis exaratum, in quo continentur Opuscula duo, primum de Corpore & Sanguine Domini, subsequens de Prædestinatione; illud unico, hoc duobus libris constans; Utriusque inscriptio & exordia ita se habent in Codice MS.* Incipit Liber Ratramni de Corpore & Sanguine Domini. *Iussistis, Gloriose Princeps, &c. Post hunc Librum, Incipit Liber Ratramni de Prædestinatione Dei. Domino Glorioso atque præcellentissimo Regi Karolo Ratramnus, &c. ut in edis.* Valeat ergo Sixti Senensis insulsa

conjectura, Rattramni Librum de Corpore  
& Sanguine Domini Joh. Hauffschlein,  
Gracè Oecolampadio, tribuentis. Rectius  
sentit Sixto longè oculatior Fr. Turrianus,  
contra Volanum scribens lib. 1. cap. 29.  
cum ait: *Bertramus citare quid aliud est quam  
dicere Calvini haeresim non esse novam?* Ri-  
dendus porro Latinus Latinus, vir alias  
doctus ac diligens, sed Pontificiis magis  
addictissimus, qui cum Bertrami Librum  
percurrisset, inmemor in Indice notatum  
haereseos nomine, post agnitos errores  
suum, Librum projecit, & a summo Pon-  
tificario curavit se absolvendum Reveren-  
dissimo Card. Varmienfi. Hæc de se La-  
tinus Latinus in Bibliotheca Sacro-Profana  
p. 110.

PETRUS BORRUS, Narbonensis Gallus,  
Urbevetanus in Italia & Vassionensis po-  
stea in Gallia Antistes, in Damasi Ponti-  
ficale Notas scripsit, Cassandro non semel  
laudatas, sed hætenus ineditas. Has com-  
posuit jussu Caroli 5. Francorum Regis,  
cognomine Sapientis, ut nos docet anony-  
mus auctor Dialogi MS. Bibliothecæ Cor-  
desianæ, inter Orthodoxum Catholicum  
& Catechumenum Paucalcium, inquiren-  
tem de Reformatione Ecclesiæ Militantis:  
*Carolus 5. inquit ille, imposuit Petro Urbeve-*  
*tano Episcopo, ut Historias Romanorum Ponti-*  
*cum B. Damasi Papæ ad S. compositas Hierony-*  
*mm exponendo scriberet, & pro posse compleret,*  
*ac ut exquireret Codicem Sacrorum Canonum,*  
*& expositum daret sibi: per has enim Scripturas*  
*& paucas alias sperabat sanè posse reformari*  
*statum*



*statum universali Ecclesie vel ad minus Gallicane, secundum normam & regulam contentas in subscriptione prædictorum librorum.* Mirum de hisce Boetii Notis fuisse Ulghellum in Italia Sacra, & Sanmarthanos Fratres in Gallia Christiana. Quibus adde Dadinum ab Alatasta, Antecessorem Tolosanum, Notis ad Anastasium de Paparum Viris.

**BORGUNDIO.** Alexander 3. Concilium tenuit Romæ, anno Incarnationis Domini cæ 1180. Ad hoc multe convenerunt tam Ecclesiasticæ quàm seculares personæ. Inter quas venit quidam civis Pisanus nomine Burgundio, peritus tam Græcæ quàm Latine eloquentiæ. Hic attulit Evangelium S. Johannis translatum ab ipso de Græco in Latinum, quod Johannes Chrysostomus sermone homiliatico exposuerat. Hic etiam ferebatur magnam partem libri Geneseos à se jam translata. Dicit etiam quod Johannes Chrysostomus totum V. & N. T. Græcè exposuit. Hæc Robertus de Monte in Supplemento Chronici Sigeberti. Præter prædictos Sermones Chrysostomi, Latine vertit Burgundio Nemesii libros de natura hominis, Gregorio Nysseno falso tributos, & Joh. Damascenum de fide orthodoxa. Obiit A. 1194. Ejus Epitaphium habes apud Pignorium in Epistolis Symbolicis p. 254.

**Nic. de CLEMENSIS** Epistolæ aliquot, adhuc ineditæ, extant in Bibliotheca Lambethana. Has inde descripsit & ad edendum offert vir ad juvandas literas natus Joh. Bamey, Doctor Theologus, & Gui-

Guilielmo Cantuariensi Archiepiscopo à Sacris Domesticis. Clemengii Epistolam de instituendo Theologiae studio Spicilegio suo inseruit Dominus Lucas Dachery, cujus fragmentum tantum adduxerat Lainoius Libro de varia Aristotelis fortuna. Tomo 3. Meditationum Historicarum Phil. Camerarii habentur Clemengii Versus Latini, de vitae rusticæ felicitate & de miseriis Tyrannorum, è Rythmis Gallicis expressi Phil. de Vitry, Meldensis Episcopi, qui obiit A. 1351. Nova Clemengii Operum si adornetur editio, (est enim Lydiana mendosissima) superioribus Opusculis augeri illa poterit.

MAGNES vel Magnetes libros 5. Græcè scripsit adversus Theostenem Evangelia calumniantem. Fragmenta aliquot ex Bibliotheca D. Marci Veneta in Scriptis suis adducit Codicum ille MSS. helluo Fr. Turrianus, sed imprimis in Apologia pro Epistolis Pontificum. Unum etiam observasse mihi videor in Posslevini Moscovia. Auctorem hunc laudant Græci, in Responsionibus suis ad Cardinalem de Guise. Quo tempore ille vixerit, quero qui me doceat.

SEVERI nomen in Catenis Græcis creberrimè occurrit. Sed in Catena Corde-riana in Lucam ad caput 7. pro *Severus* vitiosè legitur *Servius*, ut monuit vir ingenio ac eruditione præstans Ludovicus Ferrand, in Exercitationibus Gallicis de Religione Christiana. Severus is Ecclesiæ Antiochenæ fuit Episcopus, &, ut puto, perturbator. Quanquam vix pronunciare aulim de Severo illo,

illo, cum multi fuerint hujus nominis Antiochiæ Præsules. Hac in re dubius etiam hæret Andreas Mafius, Præfatione in Mosem Bar-Cepha de Paradiso, quam, si placeat, consules. De Severi Scriptis Cl. Lambecius Bibliothecæ Cæsareæ lib. 3, p. 43. & seq.

JUVENCI, qui Historiam Evangelicam hexametris versibus reddidit, integrum nomen fuit *Aquilinus Gaius Vettius Juvencus*, ut ex optimo S. Benigni Divionensis Codice ad Symmachum docet sagacissimus Juretus. Alius ab hoc Juvenco, fuit Juvenus Coelius Calanus Dalmata, Attilæ Hunnorum Regis Historiæ Scriptor. Extat is in Antiquis Lectionibus Henrici Canisii, è Codice MS. Monasterii Rebdorffensis. Quod, opinor, nescivit nobilissimus Peireskius, qui, referente Gassendo, anxie requisivit ex Paulo Sarpio Servita, Scaligero, Casaubono & aliis, ecquid novissent de hoc Juvenco, cujus Codicem MS. Venetiis absportaverat. Juvenum istum memorat Baptista Fulgosius, in Indice Auctorum è quibus exempla sua collegit. Laudat etiam non semel Caspar Barthius in Adversariis.

BERENGARII Epistolas aliquot vulgavit Domnus Lucas Dachery, tum in Notis ad Lanfrancum, tum in Spicilegio. In ea quam ad Richardum Abbatem ille scripsit, quamque Dachery idem edidit è Codice MS. Bibliothecæ Regis Galliarum, locus mutilus ita supplendus legendusque: *ad me pervenit sententia de Eucharistia, quam in Scriptura habet gloriosa memoria Fulberti S. Episcopi*

*Calix argenteus.* Ita ex eodem Codice præstantissimus Albertinus in Opere de Eucharistia p. 946. De Berengario verba sunt observata dignissima in Chronico S. Maxentii, vulgò dicto Malleacensi, MS. apud virum eximium Joh. Bellum, popularem meum, in Historia Comitum Pictaven-  
 sum. Sic autem Chronicon illud: *Anno 1075. Pillavis fuit Concillium, quod tenuit Girardus Legatus, de Corpore & Sanguine Domini, in quo Berengarius A quem saucius forme interemptus est.* In eodem Chronico a Phil. Labbeo vulgato pro Berengarius A quem saucius forme, habetur Berengarius .... forme. In Syllabo verò Scriptorum a se editorum monet Iesuita, se Chronicon illud descripsisse ex codice membraneo Joh. Belli, *refectis, inquit, inutilibus.* Pro A quem vide an sit reponendum *Archidiaconus.*

JOHANNES SMER. Circa annum 990. Ulodimirus Russorum Rex, ad fidem Græcam conversus est per ejus uxorem Helenam, ut testantur Diethmarus, Crönicus, alii. Ad hunc Ulodimirum extat Joh. Smeræ Polowieciji, Medici, Epistola, Alexandria missa; in qua postquam impense laudasset fidem, ritus & mores quorundam Christianorum quos ibi repperat, ( in Egyptum enim ab Ulodimiro fuerat missus, ut in Religionum diversitates inquireret ) & postquam Græcorum Tyrannidem, Idololatriam ac mores impios descripsisset, literas suas his verbis claudit: *Ideoq; o Rex, non licet tibi suscipere mores & Religionem Græcam, sin verò eam susceperis, ego ad te nunquam proficiscar.*

*prosciscere, sed hic obdormiens; iudicium filii Dei expectabo.* Epistolam hanc exhibet Christ. Sandius in Appendice Historiæ Arrianorum.

BEDA. Miratus sum non semel, cum tam multi Bedæ Codices in Anglia reperiantur, cui nemo adhuc inter Anglos inventus sit qui conterraneum suum longe meliorem, quam in eruditorum manibus versatur, in vulgus emittat. Ego, quod solum possum, in commune Reip. literariæ bonum notabo, Bedæ fragmentum ex libro de Temporibus apud Munsterum extare lib. 2. Cosmographiæ, quod in editis non compareret, Bedæ Hymni aliquot occurrunt in Collectione Cassandriana. Obiter observa quæ habet Ph. Melancthon in quadam ad Joh. Cratonem Epistola: *Narravit mihi Aventinus, inquit, se in Codice Bedæ, qui est in Bibliotheca Passaviensi, lesisse enarrationem verborum (Cena Domusica) perspicuam, quæ tota desit in libris editis.* Quam Bedæ editionem intelligat Aventinus, qui obiit A. 1533. mihi non constat, nisi forte ejus in Evangelia Commentarios separatim excusos, quos videre nondum contigit.

COSMAS Indopleustes, vel Indicopleusta, Psalmorum Expositionem Græcè scripsit, cujus fragmentum habes apud Corderium ad Psalm. 16. v. 14. Hujus Expositionis Prolegomena Romæ extare ait Gesnerus. Cosmas idem Topographiæ Christianæ auctor est, Petro Gyllio in Constantinopoli sua memoratæ, cujus præclara fragmenta vulgavit vir illustris Nicolaus Melchisedech Thevenot,

Thevenot, amicus noster, Galliae Regi à Bibliothecis. Vixit Cosmas sub Justino Imperatore.

JULIO TOLETANO inter alia tribuit Felix, Toletanus itidem Archiepiscopus, librum de contrariis, qui in Editionibus duabus, quas vidimus, *ἀντιμαρτυρίων* titulo adnotatur. Ad Felicis locum notam hanc apposuit Garfias Loaisa, vir doctus & ingeniosus. *Reddamus nostro Juliano Toletano, ut vero auctori, librum ἀντιμαρτυρίων, sive contrariorum, qui hactenus sine nomine auctoris fertur. Eum nos Juliani esse deprehendimus, admoniti verbis Felicis, & multis locis, quos ex libro ἀντιμαρτυρίων Juliani citat Samson Abbas, libro adversus Hostigesium Episcopum Malacitanum, quod opus scriptum Anno Christi 864. legi in Bibliotheca Ecclesiae Toletanae. Ἀντιμαρτυρίων liber Quaestiones Veteris ac Novi Testamenti continet de locis in speciem pugnantibus. Hunc primus, opinor, edidit Joh. Alex. Brassicanus, ad calcem Salviani, cui propterea a Sixto Senensi & Possevino adscribitur. Berthario Gallo ab aliis tributum tradit Doctor Cave.*

LACTANTIUS. Hujus fragmentum ex libro 3. Epistolarum ad Probum adducit Hieronymus, Praefatione in librum 2. Commentarii in Epistolam ad Galatas. De ejusdem Epistolarum libris duobus suo tempore deperditis querentem vide Hadr. Junium Bataviae p. 311. Carmen de Phoenice, à Barthio, Bocharto & aliis Venantio Fortunato tributum, Theodulfi est, Aurelianensis Antistitis, ut ad Theodulfum ipsum

ipsum notat Sirmondus p. 302. Est sane apud Theodulfum Distichon de loco Carroph (Gallicè *Charroux*) non abfimile initio Carminis de Phoenice. Lactantio vindicat Nic. Heinsius, & *manuscriptus*, qui in illud Carmen emendationes & notas elegantissimas scripsit.

SEVERI SULPITII septem Epistolæ ante paucos annos sunt evulgatæ, quinque a Domino Luca Dachery tomo 5. Spicilegii, duæ verò a Cl. Baluzio tomo 1. Miscellaneorum. Garfias Loaisa, Notis ad Isidori Hispalensis Chronicon, penes se esse testatur Epitomen MS. Chronicorum Severi cognomento Sulpitii.

VERECUNDUS Juncensis in Provincia Africa Byzacena Episcopus, uti quidem existimat Garfias Loaisa, scripsit, teste Isidoro, duos breves libellos, unum de resurrectione & judicio, alterum de poenitentia, hexametris versibus, cujus initium, *Quis mihi macta dabit lacrymosis imbribus ora.* Vidit hunc Gotthicis literis exaratum doctissimus Loaisa, apud Mich. Ruyzium Azagrium, amicum suum, Rodolphi Imp. Secretarium. Alius fuit Verecundus Presbyter, qui in Canticum Canticorum commentatus est. Verecundus Episcopus claruit circa A. 552.

AZELINUS Rhemenfis Monachus ante aliquot sæcula versibus reddidit libellum inscriptum *Cæna*, qui extat in Cypriani editionibus Moreliana & Parneliana, & hunc titulum libro suo, quem MS. habuit Fr. Juretus, addidit: *Cæna Azelini Rhemenfis Monachi, quam condidit ad Heinricum Imp. imi-*

*tatus*

etiam Cyrillum Episcopum Corinthios.  
Fragmenta assert Salmefius ad Historiam  
Anglicæ Scriptores p. 396. & 410.

RICHARDUS Saxonienſis, Monachus Be-  
nedictinus, Chronicon scripsit à Dacherio  
vulgatum Spicilegii como 3. Sed caſu neſcio  
quò factum eſt ut in eo non extet hiſtoria  
Monachi cuiuſdam Pariſienſis nomine Ro-  
berti, Ordinis Predicatorum, qui, charta  
inter digitos concluda, à formoſa quadam  
muliere, quæcunque ille volebat, extorſit.  
Hiſtoriam habes ex Richerii Chronico MS.  
apud Joh. Præſum, ad Apuleii Apolo-  
giam p. 114. & ſeq.

---

FINIS.



**PAULI COLOMESII**  
**DE**  
**PHOTII**  
**SCRIPTIS**  
**DISSERTATIO.**

PAULI COLONENSII

DE

PHOTII

SCRIPTIS

DISSECTATIO.

DE  
**PHOTII**  
**SCRIPTIS**  
**DISSERTATIO.**

**E**O Photius fuit ingenio, eaque eruditione, ut cum maximis veteris Ecclesiae luminibus iure comparari queat. Hoc vel agnovit Nicetas Paphlago, vir Photio minime favens, in Ignatii Patriarchae CP. Vita, Matthaeo Radero interprete: *Tandem, inquit, Photium Protospatharium & primum à Secretis, Patriarcham urbi regia designant; hominem sane minime obscurum & ignobilem, sed claris & illustribus mirandum natalibus, rerumque civilium & politicarum usu prudentiaque & scientia clarissimum. Grammatica enim literatura, & carminis paucendi, dicendique laude, quin & Philosophia & Medicina, & omnium propè liberalium disciplinarum externarum studio cognitioneque semper florebat, ut aevi sui facile princeps haberetur, imò & cum Veteribus certare posset. Omnia quippe in illo concurrerant, aptitudo quaedam & natura vis ac felicitas, studium, opes quibus sibi librorum omnium copiam sibi comparabat,*

Et, quod pra cunctis, gloria laudisque, cupido, qua incensus totas noctes, ut lectioni assidue vacaret, ducebat insomnes. Talis cum fuerit, etiam ex inimicorum testimonio, Photius noster, nemoque adhuc inventus sit, qui ejus Operum Catalogum paulo accuratiorum rem confecerit, operae premium me facturum esse existimo, si hac in parte studiosis prodesse coner.

IN FAR Photii Scripta primas facile tener Bibliotheca, ad Tarasium fratrem missa. In qua (ut optime Daniel Heinsius Prolegomenis in Aristarchum Sacrum) de summis Christianis simul profanisque auctoribus ita accurate ac exquiste judicat, ut unus eruditione varia cum omnibus quos legerat, legendi diligentia cum maximis qui ante extiterant, committi posse videatur. Hanc Bibliothecam perfunctorie admodum in Latinum sermonem vertit vir alias doctissimus Andreas Schottus; adeo ut Thomas Gatakerus, vir laude major, translationem hanc (licet Schotti nomen praeferat) ejus fuisse vix crediderit. In hac dein versione fere passim vel Ignatianum vel Baronianum se prodit, ut in quadam ad Josephum Scaligerum Epistola observat vir illustris Jacobus Gyllotius. Alias versiones, ut audio, adornarunt Fredericus Metius, Thermularum Episcopus, & Colmas Fonteius, sed haecenus ineditas. Prodiit Photii Bibliotheca primum Graece cum notis Davidis Hoeschelii viri optimi ac doctissimi; dein Latine cum Scholis Andreae Scotii; tertio Graece & Latine Genevae; tandem Rothomagi. Hanc

D E

## PHOTII

SCRIPTIS

DISSERTATIO.

**E**O Photius fuit ingenio, eaque eruditione, ut cum maximis veteris Ecclesiae luminibus jure comparari queat. Hoc vel agnovit Nicetas Paphlago, vir Photio minime favens, in Ignatii Patriarchae CP. Vita, Matthæo Radero interprete: Tandem, inquit, Photium Protospatharium & primum à Secretis, Patriarcham urbis regis designant, hominem sanè minime obscurum & ignobilem, sed claris & illustribus viriundem natalibus, rerumque civilium & politicarum usu prudentiaque & scientia clarissimum. Grammatica enim literatura, & carminis pangendi, dicendique laude, quin & Philosophia & Medicina, & omnium prope liberalium disciplinarum externarum studio cognitioneque tantopere florabat, ut aevi sui facile princeps haberetur, imò & cum Veteribus certare posset. Omnia quippe in illo concurrerant, aptitudo quaedam & natura vis ac felicitas, studium, operi, quibus sibi librorum omnium copiam sibi comparabat,

C

&amp;

Et, quod praecunctis, gloria laudisque cupido, qua incensus totas noctes, ut lectissimi assidue vacares, ducebat infomnes. Talis cum fuerit, etiam ex inimicorum testimonio, Photius noster, nemoque adhuc inventus sit, qui ejus Operum Catalogum paulo accuratorem confecerit, operae pretium me facturum esse existimo, si hac in parte studiosis prodesse coner.

INTER Photii Scripta primas facile tenet Bibliotheca, ad Tarasium fratrem missa. In qua (ut optimè Daniel Heinsius Prolegomenis in Aristarchum Sacrum) de summis Christianis simul profanisque auctoribus ita accuratè ac exquisitè judicat, ut unus eruditione varia cum omnibus quos legerat, legendi diligentia cum maximis qui ante extiterant, committi posse videatur. Hanc Bibliothecam perfunctoriè admodum in Latinum sermonem vertit vir alias doctissimus Andreas Schottus; adeo ut Thomas Gatakerus, vir laude major, translationem hanc (licet Schotti nomen praeferat) ejus fuisse vix crediderit. In hac dein versione ferè passim vel Ignatianum vel Baronianum se prodit, ut in quadam ad Josephum Scaligerum Epistola observat vir illustris Jacobus Giliotius. Alias versiones, ut audio, adornarunt Fredericus Metius, Thermularum Episcopus, & Cosmas Fonteius, sed haecenus ineditas. Prodit Photii Bibliotheca primum Graecè cum notis Davidis Hoefschelii viri optimi ac doctissimi; dein Latine cum Schollis Andreae Schotti; tertio Graecè & Latine Genevæ; tandem Rothomagi. Hanc in

in Epitomen redegerat Joannes Mariana Jesuita, teste Philippo Alegambe in Bibliotheca Scriptorum Societatis Jesu. Sed Opus istud nunquam prodit. Photii Bibliothecae fragmentum ab editis paulo varians & auctius legere est in fronte Athanasii editionis Parisiensis Græco-Latinæ, & Codice Adrianiano Bibliothecæ Basilienfis depromptum, & à Petro Nannio, qui eo Codice olim usus est, Latine versum. Docuit nos vir summus Henricus Valesius, dum ante aliquot annos Parisiis versaremur, Bibliothecam Photianam plurimis in locis esse interpolatam; idque vir in æternum delectandus se aliquando ostensurum receperat.

**NOMOCANON**, in quo Photius sacros Canones & SS. Patrum responsa diligenter contexuit: Opus varium, multaque lectionis; quod Theodorus Balsamon, Patriarcha Antiochenus, Commentariis illustravit, Latine verterunt Henricus Agylaus Belga, & Gentianus Hervetus Gallus; Græcè & Latine edidit Christophorus Justellus; auctius verò è Bibliothecis Oxoniensi & Mazarina Guilielmus Voëllus, & Henricus Justellus Christophori filius.

**EPISTOLÆ**, à Richardo Montacutio Norwicensi Episcopo Latine versæ, & notis illustratæ. Liber Londini excusus est anno 1651. decennio nimirum post Montacutii obitum, qui ad plures abiit anno 1641. una cum sanctissimo ac doctissimo Præsule Joanne Davenantio. Photii Epistolas oppido paucas ante Montacutium ediderat David Hoeschelius; ad ealoram Bibliothecæ Photianæ; & eodem

## De Photii Scriptis

eodem quo Hoefchelius anno Photii Epistolam ad Eusebiam Conradus Rittershuius, quas nunc exhibet Montacutii editio. In hac tamen non invenias Photii ad Theophanem Epistolam, Francisci Scorfi Prolegomenis in Theophanis Ceramei Homiliis insertam, eamque Græcè & Latine Jacobo Sirmondo interprete. In eadem editione incassum quæras Photii Epistolam ad Archiepiscopum Aquileiensem, quam Græcè & Latine ex sua interpretatione vulgavit Franciscus Combesius in Auctario novissimo Bibliothecæ Græcorum Patrum, quamque prius, sed Latine tantum Frederico Metio interprete, Annalibus insenuerat Cæsar Baronius, ad annum 883. In iisdem Annalibus etiam legas Photii Epistolas Encyclicas ad Patriarchales Sedes Orientis, ut. ad Nicolaum Papam, sed Latinas tantum, à Montacutio iisdem omittas. His adde Photii Epistolam ad eundem Nicolaum, cuius fragmentum Latine versum habetur Hugonis Eteriani libro secundo adversus Græcos, & aliam Encyclicam de Spiritus S. Processione, quæ Græcè occurrit apud Nicetam Choniatem, in Orthodoxæ fidei Thesauri tomo 21. ex quo (utpote nondum in lucem edito) fragmentum excerptit Reverendissimus Usserius, Armachanz Sedis apud Hibernos Antistes, in Dissertatione de Symbolis.

ORATIO in Sanctissimæ Virginis natalem diem, quam tomo primo Auctarii Bibliothecæ Græcorum Patrum Græcè & Latine edidit Fr. Combesius, è Codice MS Biblio-



Bibliothecæ Segnerianæ. Huic Codici præfixus Index antiqua manu aliam Orationem, valde luculentam illam, in Sepulturam Domini, Photio tribuit; extatque ibi integra, exordio excepto. Quam, mutilam licet, utinam evulgasset Pater Combesius!

ORATIO inauguralis novæ Ecclesiæ, quam, ut refert Leo Grammaticus in Chronographia, Constantinopoli struxerat, & ornatu vario insignem reddiderat Basilius Imperator. Prodiit ea Græcè in Petri Lambecii ad Georgii Codini Excerpta Animadversionibus, & Græcè & Latine in Fr. Combesii Originum CP. Manipulo. Aliarum Photii Orationum Laterculum habes apud Combesium in Auctario novissimo Bibliothecæ Græcorum Patrum, ab Emerico Bigotio, viro ad juvandas literas inter paucos nato, ei communicatum. Alium Syllabum exhibet Alexander Barvoëtius, Jesuita, in Catalogo Codicum MSS. Bibliothecæ Scoriacæ.

COMMENTARIUS in D. Pauli Epistolas, è quo pleraque Oecumenius in Opus suum transtulit. Extat Exemplar MS. Græcè in Bibliotheca Cantabrigiensi, ab Excerptis Oecumenianis non parum discrepans, ut (si bene memini) qui olim contulit, mihi affirmavit vir fide dignissimus ac doctissimus Johannes Battely, illustrissimo Angliæ Primati GUILLIELMO à Sacris Domesticiis.

QUESTIONES ac Dubia ad Amphilo-  
chium, Cyzici Metropolitam, in quibus de  
vitiis S. Scripturæ locis & aliis multis

## De Photii Scriptis

Photius non minus ingeniosè quàm eruditè differit. Extant grandi volumine MSS. in Petri Seguerii Galliae Cancellarii Bibliotheca, sed tacito Photii nomine. Quin etiam tamen ejus sint, nullus ambigo; cùm Amphilocheus ille non alijs sit ab eo, ad quem ter aut quater Phodius in Epistolis. Harum Quaestionum fragmenta duo, prolixa satis, edidit Fr. Combefisius, vir de Patribus Graecis bene meritus, unum ad calcem Operum Amphilochei Iconiensis, alterum, à Leone Allatio Româ ad se missum, tomo primo Auctarii Bibliothecae Graecorum Patrum. Alia excerpta Combefisio prior affert Fr. Turrianus, vir (ut eum alicubi vocat magnus Cestriensium Antistes) infinitae lectionis, tùm in Defensione Epistolarum Pontificum, tùm in Notis ad Constitutiones Apostolicas sub nomine Clementis. Ex hisdem Quaestionibus desumpta esse arbitror, quae in Catena Corderiana in Johannem reperiuntur.

LEXICON, Codex crassus satis, ac luce dignissimus, quem olim Haga-Comitis in instructissima clarissimi J. Vossii Bibliotheca videre nobis contigit. Audio nunc esse penes Marquardum Gudium, Holsatum, qui multos hujusmodi Codices (utinam tandem in reipublicae literariae bonum!) apud se habet. Photii Lexicon memorant, nisi fallimur, Suidas & Etymologus. Quibus adde Franciscum Turrianum in Defensione Epistolarum Pontificum; quam (ut obiter hoc dicam) festinanter nimis refellit David Blondellus, vir alias impen-

lectionis.

lectionis. De Photii Lexico sic Jos. Scalliger ad Richardum Thomsonum Anglum, magnæ eruditionis nec minoris ingenii virum, scribens: *Remitto tibi Photium tuum, optimum sanè librum, & quem edi è re literaria est, quanquam omnia, quæ in illo sunt, hodie in aliis, unde ipse hausit, extant; quia tamen laborem legentium levare posset, quod in eo omnia congesta sunt, quæ sparsim in aliis relegere labor est, non exiguam a studiosis gratiam iniveris, si tam utilem librum in publicum exire patiaris.*

DE DIVINITATIS & Incarnatione Dissertationes sex, Latinè, Fr. Turriano interprete. Extant tomo 7. Antiquæ Lectionis Henrici Canisii.

DE VOLUNTATIBUS in Christo quæ dicuntur Gnomicæ liber unus, Fr. Turriano interprete. Extat in Auctario Petri Stevartii ad Canisium.

IN CATEGORIAS Aristotelis, MS. in Bibliotheca Regis Galliæ.

DE EPISCOPIS & Metropolitibus Collectio, MS. in Bibliotheca Naudæana.

CONTRA LATINOS MS. Hujus forsan Operis pars est Dissertatio de Spiritus S. Processione, ab Euthymio Zygabeno (quo nemo melius in Psalmos scripsit) duodecimo Panopliæ suæ titulo inserta, sed à Fr. Zino in Latina versione consultò omissa. Hujus fragmentum Græcum à Patricio Junio sibi communicatum profert Jacobus Ulserius, vir admirandæ tum pietatis tum eruditionis, in Diatriba de Symbolis.

## De Photii Scriptis

CONTRA LEONTIUM Hæreticum, de quo sic Suidas in *Asym.*: *Hic Antiochia fuit Hæreticus. Photius autem Patriarcha contra eum scripsit.*

ODE novem MSS. extant in Bibliotheca Collegii Claromontani, cum Theodori Prodromi Versibus de duodecim mensibus, aliisque. Ex hisce Odis meridiana luce clarius liquet Photium nostrum carminis pangendi laude floruisse, ut de eo supra Nicetas Paphlago.

PROPHETARUM Liber cum expositione. Extat MS. in Bibliotheca Vaticana, nisi nos fallat Possevinus in Apparatu Sacro.

EXCERPTA ex Historia Ecclesiastica Philostorgii Photius confecit, quæ in ejus Bibliotheca non comparent. Ea primus Latine vertit & notis uberioribus illustravit Jacobus Gothofredus, Dionysii filius, vir doctus ac diligens, sed literis Græcis leviter tinctus, nec in pervolvendis Codicibus MSS. multum exercitatus. Eadem Excerpta haud ita pridem de novo vertit & notis ac emendationibus auxit Henricus Valesius, vir eruditione cum maximis hujus ac superioris ætatis Philologis comparandus.

Ex Photio tria aut quatuor loca laudat Antonius in *Melissa*; sed ad quem Photii Tractatum illa pertineant, juxta cum ignarissimis scio.

PHOTIO adscribit Robertus Constantinus, in *Nomenclatore*. Historiam de Rhetoribus decem, quæ, inquit, in *Bibliotheca Regia* extat. Verum hoc haud dubie intelligendum de decem Græciæ Oratorum Elogiis,

giis, quæ apud Photium occurrunt, quæque Plutarchi nomine in Opusculis, ut vocant, Moralibus circumferuntur. Quod, ut alia multa, minus animadversum eximiae eruditionis viro Gerardo Johanni Vossio, in Opere de Historicis Græcis.

SYNOPSIS Conciliorum, quam apud amicū MS. vidimus, Photium, non Patriarcham Constantinopolitanum, sed Tyriorum Episcopum, auctorem agnoscit. Aliud exemplar, à Christiano Ravio ex Oriente allatum, se adeptum esse ait, simulque fragmentum exhibet Reverendissimus Usserius, in Dissertatione supra laudata.

Hæc sunt quæ de Photii Scriptis è curta nostra supellectile proferenda habuimus.

---

PASSIO

25

1870

the day of the 11th of the month of  
January 1870 at the Court of  
the County of ... State of ...  
before me, the undersigned, a Justice of the Peace,  
appeared ... and ... who being  
duly sworn, depose and say that ...

... and ...  
... and ...  
... and ...  
... and ...

212

... and ...  
... and ...

...

...

25210

PASSIO  
SANCTI VICTORIS  
MASSILIENSIS.

Recensuit ac emendavit  
PAULUS COLOMESIUS  
Rupellensis.

PAVIA  
SANCTI VICTORIS  
MASSILIENSIS

Recessit de cunctis  
FAMILIIS COLONENSIS  
Rupellensis.



---

**PASSIO**  
**SANCTI VICTORIS**  
**MASSILIENSIS**

---

Incipit Passio S. Victoris  
 Massiliensis.

**M**assilia Civitas ampla, quondam  
 mirabili structuræ suæ firmitate,  
 simul & pulchritudine gloriosa, in  
 optimo terræ solo, in capite Galliarum sita,  
 terrâ marique omnium ferè gentium com-  
 merciis patens, immensâ divitiarum opu-  
 lentia, & frequentibus populorum turbis,  
 armorumque terroribus inclyta fuit: unde  
 & Romanæ potentiae meruit esse in occi-  
 dui partibus quædam propria Sedes. Quare  
 & Romanorum Numinum, imò Romano-  
 rum

Passionis ha-  
 jus Epirome  
 apud Vincen-  
 tium Belva-  
 centem oc-  
 currit, Specu-  
 li Historialis  
 lib. 12. c. 7.

rum Dæmonum studiosa cultrix, & sacri-  
 legarum superstitionum acerrima & fo-  
 rocissima defensoria habebatur. Quas  
 ob res superba nimis & pessima, tanta  
 crudelitate in Christianorum supplicia,  
 Sanctorumque pecces, velut totius humani-  
 tatis inimicior, raprabatur; ut collectos  
 undique circa se piorum greges, ad adven-  
 tum maximè Imperatorum, instar lupo-  
 rum, raperet. Sed nec ipsis civibus par-  
 cens, quoscunque Christiani nominis inve-  
 nisset, absque ulla miseratione ætatis, aut  
 sexus, quasi ad triumphum suorum Dæ-  
 monum, variis ludibriis affectos, & irreci-  
 tabilibus tormentorum generibus excrucia-  
 tos, vilius quàm pecudes trucidaret. Inter  
 quas Sanctorum Martyrum gemmas, Victor  
 sanctissimus, velut cæteris stella fulgentior,  
 gloriosus claruit: vel quòd esset nobilior,  
 vel quòd in religione nostra instructior, &  
 ferventior, atque famosior, vel quòd de ipsa  
 cæteris pessimis immàiore & truculentiore  
 bestià, Maximiano videlicet Imperatore,  
 cum ipso cominus pugnans, insigniter &  
 dignè suo nomine triumphavit. Maximia-  
 nus enim cum pro Sanctorum sanguine,  
 quem per totum orbem crudeliùs aliis, ma-  
 ximeque per totas Gallias, recentius fude-  
 rat, & præcipue pro famosissima illa The-  
 bæorum apud Agaunum cæde, nostrorum  
 plurimis nimium terribilis factus, Massiliam  
 advenisset, ut secundum Scripturam \* *im-  
 pius adhuc impiè ageret*; cuncta illuc crimina  
 sua cum vita nequissima impleturus; ne quid  
 sibi

\* Apoc. 22. 11.

sibi deesset scelerum, pietati protinus, insatiabilis tortor, velut parùm hæcenus fecisset, tota rabie bellum indicit; Christicolæque, nisi sacrificent idolis, exquisitis mortibus deperire jubet. Tum verò tanta malorum nube oppressis, perturbatisque nostrorum animis, invincibilis sese in medium Victor opposuit, singulis noctibus Sanctorum castra sollicitè circumiens, & per domos singulas ad amorem æternæ vitæ, & contemptum transitoriae mortis, Servorum Dei corda confortando, succendens.

Talibus insistens, foelix hostia mox futurus, apprehenditur, ac Præfectorum tribunalibus præsentatur. Præfecti primùm suadent clementius viro, ne Deorum culturam sperneret, nec consueta militiæ stipendia & Cæsaris amicitias pro cultu cujusdam olim mortui recusaret. Ille statim S. Spiritus armatus eloquio, Deos, quos dicebant, immundissimos Dæmones efficacissimè comprobatur: militaria verò stipendia & Imperatoris amicitias se Christi militem in contumeliam Regis sui nullatenus habere velle respondet: Dominum autem Jesum Christum, altissimum Dei filium, pro charitate restaurationis humanæ, verè quidem hominem fuisse mortalem, & ab impiis se volente occisum, sed divinæ suæ virtutis potentiâ die tertiâ suscitatum, coelos ascendisse, & à Deo patre regnum super omnia stabile suscepisse, vultu constanti ac liberæ vocis plenâ autoritate protestatur. Nec mora, circumstantium clamor ingens  
in

in coram attollitur, pius Domini Confessor ab omnibus infuriatur. Sed quia vir clarus erat, iudicatum à Præfectis est, uti ejus causa ad Cæsaris audientiam referretur. Quo facto, ille efferato animo, subito conversus in furias, dilationis impatiens, jubet Athletam sanctum suis tribunalibus præsentari.

Beatissimus igitur Victor coram tribunali furens Imperatoris statuitur, multisque undique accusationibus imperitur, omni calliditate, summisque terroribus ad sacrificia iterum Dæmonum perurgetur. Martyr verò exaudito terrore robustior, velut qui gehennas levi commercio vinceret, nec auferri de terrâ veritus, qui municipatum celestis curiæ jam sentiret, de promptuario S. Spiritus recreatus, Imperatorem sævissimum, cunctosque Principes ejus, mira prudentiâ & animi virtute confutavit, Idolorum cultus assertionibus claris evacuans, Jesum Dominum verum Deum esse certâ publicè ratione confirmans.

Tunc impiissimus Cæsar omni ferâ crudelior, omni dracone malignior, face succensus in rabiem vertitur. Sanctumque Martyrem funibus coarctatum per totam urbem præcipit volutari, ut ex ignominiosa viri poena & Deorum suorum vindicaret injurias, & nostrorum simul animos territaret. Datâ sententiâ, conclamat exercitus insani-entis populi, undique ad spectaculum multitudines ruunt; dumque per totam Civitatem brachiis pedibusque ligatis Christi Athle-

ta pertrahitur, impiis manibus, vel maledico  
saltem ore, prout quisque poterat, crucia-  
tus adaugent, ita ut pro reatu non minimo  
sibi duceret, qui ad ejus injurias non aliquid  
adjecisset.

Tali ergo ludibrio cum satis superque  
vulgi nefandissimi oculos satiasset, ad tribu-  
nalia Præfectorum Sanctissimus iterum  
Victor, laceratus, cruentusque, reducitur, de  
negando Christo, & Diis adorandis acrius  
itidem peroratur: putantes enim poenā, &  
contumeliis, populique tumultibus fessum  
animo decidisse, nec jam de superfluo  
locuturum, qui sibi potius consulendum esse  
crudeli experimento didicisset, de injuriis \* f. humilit.  
Cæsaris, ac totius Reipublicæ graviter con-  
querantur. Tunc deinde supremæ clemen-  
tiæ \*, nihilque infortunius esse asserunt, \* l. dementia.  
quam omnium Deorum, & invictissimorum  
Principum amicissimā familiaritatem posthabi-  
ri, cuncta mundi oblectamenta, & gloriam,  
& honorem, ipsam quoque dulcissimam  
salutem corporis, pro eo quod nunquam  
viderit, perdere, cunctorum iras Deorum,  
hominumque in se gratuito provocare,  
cum omnium dolore charorum per summa  
tormenta ad interitum festinare: proinde  
vel jam experto rationem sanioris eligendam  
esse consilii, nec contemnendos esse Deos,  
quorum manifesta majestas fulgeret in Tem-  
plis, quorum beneficia sentirentur à cunctis,  
quos veneranda antiquitas adorasset, &  
summi Principes colerent, quibus propitiis  
larent cuncta, quibus adversis durare \* f. florent.  
mundus

mundus nec ipse valeret. Illi sane quanto-  
 cyus renunciandum, qui & vivendo sem-  
 per pauperimus fuerit, & quam esset im-  
 potens moriendo demonstraverit: Id si face-  
 ret, futurum ut imminetia supplicia lucra-  
 retur, & de intima Caesaris amicitia, sum-  
 milique honoribus ipsis posset intervenienti-  
 bus gratulari. Quae si respiceret, ad illam,  
 quam nemo unquam vidisset, Christi sui  
 gloriam, non aliter quam ipsius exemplo,  
 per summa tormenta & contumelias, totius  
 opprobrium & abjectio populi factus, esset  
 illico transurus.

¶ I. Tum

Cum Martyr, de prima impetu pene  
 victor, & S. Spiritus factus oraculum, im-  
 perterrito & infatigabili animo, Deo  
 confortante, persistens, ad hunc modum  
 concionatus, ait: Si de inimicis Caesaris &  
 Reipublicae agitur, nunquam, inquit, Cae-  
 sari, nunquam Reipublicae nocui, non honori  
 Imperii quidquam detraxi, non ab eius me  
 propugnatione retraxi. Quotidie pro salu-  
 te Caesaris & totius Imperii iudicose sacri-  
 fico, quotidie pro statu Reipublicae coram  
 Deo meo spirituales hostias macto. De-  
 mentissimum autem non ad se videri omni-  
 bus existimo, si quis unum aliquid ita diligat,  
 ut non id pro centuplo meliore postponat.  
 Quid vero si illud unum, nec, prout cu-  
 pias, habere, nec, si habeas, sine metu gau-  
 dere, nec, cum maxime sollicitus sis, vales  
 retinere: Illud vero centuplum mox, ut  
 volueris, praemanibus habeas; calni tenueris,  
 securus gaudeas; quod nullo jam sine,  
 nullo

nullo sui sine defectu, nullius deinceps violentiâ perdas. Proinde sanioris ratione consilii, omniumque iudicio sapientium, familiaritas Principum, mundi oblectatio, gloriæ, honores, salus corporis, charorum cognatio, & huiusmodi cætera, ipsa denique temporalis vita, (quæ nec pro voto acquiri, nec securè haberi, nec vel longiusculè teneri omnibus planè notissimum est) æternæ vitæ ineffabilibus & stabilibus gaudiis, summique omnium auctoris amplexibus postponenda sunt; quem, cum amaveris, hab eas; cum habueris, cuncta pariter cum illo possideas. Nec te doleas hæc ipsa, quæ desideras, momentaneè reliquisse, quæ, commutatione levissimâ, incomparabiliter meliora in æternam gaudere receperis. Non autem tormenta, sed refrigeramenta rectè dici, quæ cruciatus æternos extinguunt; nec mortem, sed salubre poculum reputari, per quam ad talem vitam transitus procuratur. Illo sanè nihil insanius, nihil, omnium conscientia teste, vecordius, qui, hoc tanto bono sine causa, posthabito, manifestum vice suæ hostem, studiosè, ut Deum, colat, unde & post vitam nihil aliud, quam mortis æternæ mercedem, & inexplicabiles sine termino cruciatus acquirat. Quis enim vitæ humanæ truculentior hostis appareat, quam qui agendi docet, proprioque exemplo suadet, quæ & extrema sint agen-

tis opprobria, & justissimis legibus capi-  
 taliter puniuntur? Nonne autem agenda  
 docentur, quæ publicè recitari, quæ lau-  
 danda cantari iubentur? Tales quippe, tales  
 sunt Dii vestri maximi, quibus præcipienti-  
 bus horrenda sua scelera non solum recitan-  
 tur, sed & visibiliter effinguntur in theatris,  
 cantantur & summis laudibus celebrantur in  
 Templis. Cui enim vestrum nescire licet fu-  
 nestas rapinas, & quantum in se fuit nefanda  
 parricidia summi Jovis? Cui innumera ejus  
 stupra & adulteria, furtiva & publica, frau-  
 dulenta & violenta ignorare permissum  
 est? Nunquid Regina Deorum soror-  
 isque Jovis maligna crudelitas, & fraterna  
 secum incesta latuerunt? Nonne palam  
 sunt Martis implacabilis ferocitas & ob-  
 scenissimi Priapi, necnon & scœdissima  
 Veneris turpitude? Quid Deas febres,  
 Deosque pallores, & hujuscemodi Deo-  
 rum referam greges, quos ipsi vos Deos  
 malignos, & saluti inimicos humanæ  
 prædicatis? Pudet memorare Deos Ster-  
 cutios, & Deas Cloacinas, & mille talium  
 portenta Deorum, qui tanto dedecore  
 miseros suos cultores afficiunt, ut ve-  
 nerari cloacas & stercora, Deorum sci-  
 licet talium templa, compellantur. Pa-  
 tet igitur quam truculentissimi, & ultra  
 omnes inimicos immanissimi hostes sint  
 hominum, isti Dii vestri magni, quorum  
 lignea, vel lapidea, vel ærea majestas, à  
 vobis facta & stabilita, à muribus, seu  
 avibus, stercoratur in Templis; quorum  
 prædicta



prædicta maleſicia, nulla vero beneficia ſentiuntur à ſuis; quos venerata veſtra miſera antiquitas perit; quos utinam veſtri Principes tollendo ſœlicius viverent; quibus propitiis, cuncti, quibus propitii ſunt, jubentur à juſtiſſimis legibus capitaliter plecti; quibus adverſis, per mundum innocentia, honeſtas, & juſtitia reſfloſcit.

Non enim illi propitiari, niſi ſimilibus, poſſant, diſſimilibus enim nequeunt, quia nulla contraria ſibi invicem convenire poſſunt: ſimiles verò illorum, & juſtiſſima lex, ut diximus, cum peſſima nota de medio exterminat, & ipſa æquitas nihil illis, poſt vitam aliud, niſi mortis æternæ ſupplicia, ſervat, beatitudinem quippe nemo vel inſanus concedit: Reſtat ergo quicquid poſt hanc vitam talibus retribuitur, id eſſe, ut, quoniam nunquam beati ſunt, ſempiterna miſeria moriantur. Quoniam igitur Dii veſtri diſſimilibus quidem adverſis \*, ſimilibus autem ſemper \* L. adverſi ſunt mortaliter inimici, ratione firmiſſima conſtat, quòd eos nemo colere debeat, quorum & cultura viventes ſemper turpiſſimos, & retributio, ſive in hac vita, ſive poſt hanc vitam, facit miſerrimos; quos nec aliquatenus deceat formidari, cum ſola ſit eorum propitiatio metuenda: Illum ſanè quanta charitate, quanta veneratione dignum eſt adorare qui, cum inimici eſſemus, prior nos

dilexit; qui & Deorum turpium fraudes nobis aperuit, & ut nos ab illis eriperet, non suam minuens Deitatem, sed nostram vestiens humanitatem, inter nos, Deus permanens, homo factus apparuit; ut pauperimos diceret, nostre se paupertati, cum ditissimus esset, pauperimos veniens, configuravit; cuius illa humana conversatio, nobis est omnis virtutis & honestatis exemplum; cuius indebita mors debitam nostram abolevit in aeternum; & dum isti Dii, imò pessimi Demones, illum innocentem nostra infirmitate, velatum injuste expetunt, quos à se deceptos captivaverant, justè perdiderunt. O quam dives illa, quam obicitis, paupertas! quæ, quando sibi placuit, solo iussu, piscibus implevit naviculas, quinque panibus, quinque millium satiavit turbas! O quam fortis infirmitas, quæ omnes sanorum infirmitates sanavit! O quam munifica mors, quæ tot mortuos suscitavit! Quæ ne fortè minus vera esse aliquatenus aestimetis, aspiciate ab initio prædicta, innumerabilibus miraculis totius creaturæ \* attestatione firmata. O si intente videritis, quantus iste sit, cui totus est obediens mundus, qualis sit, qui est desiderabilis totus, in quo nihil vituperabile, in quo totum laudabile, cuius charitas omnes recipit, cuius iudicium nullus evadit. Quid ejus vitæ sanctius? Quid doctrinæ rectius? Quid promissis utilius?

\* h. e. mundi.

utilius? Quid minis terribilius? Quid e-  
 jus tutius patronatu? Quid laudabilius a-  
 micitiâ? Quid jucundius gloria? Quis  
 Deorum hunc similis? Quis huic com-  
 parabilis? Omnes enim Dii gentium  
 Demonia, Deus autem noster Caelos fe-  
 cit, & ideo illi cum suis cultoribus æ-  
 ternis incendiis damnati sunt, atque dam-  
 nandi, sicut scriptum est in Sancto Pro-  
 pheta: *Dii qui cælum & terram non fecerant, pereant de sub cælo, Ut in alio: Jerem. 10. 12*  
*Confundantur omnes, qui adorant sculptra. Psalm. 96. 7.*  
 Ut iterum: *In ignem decies eos, in miseria Psalm. 139.*  
*viis non subsistent. De isto autem Sanctus 11.*  
 Propheta dixit: *Deus noster præ omnibus Psalm. 134. 6.*  
*Dii, omnia quaecunque voluit fecit in cælo*  
*& in terra, in mari, & in omnibus abyssis.*  
 Unde & eodem Propheta teste: *Beati Psalm. 127. 1.*  
*omnes qui timeant eum, qui ambulant in viis*  
*eius; Regis enim sui gloria fideles mili-*  
*tes non carebunt; propter quod secure*  
*pro ejus testimonio mortem nos ultro*  
*suscipimus, & quam certa sit nostra spes,*  
*passionis exemplo monstramus. Quo-*  
*circa, Viri illustrissimi, Viri doctissimi,*  
*mentis compotes, & ratione vigentes,*  
*femoto, quæso, paulisper odio & con-*  
*tentione, justo examine, vim utriusque*  
*partis attendite, nec turpissimis & ini-*  
*micissimis dæmonibus, damnatis atque*  
*damnantibus, ulterius vos ipsos tradatis;*  
*nec divinæ similitudinis honorem, quæ*  
*in vobis est, eorum obscenissimæ turpi-*  
*tudini substernatis, ut eorum damnatio-*  
 nem

50  
nem evadere valeatis. Obedite autem sanctissimo, pulcherimo, iustissimo, clementissimo, omnipotenti Creatori, & amico vestro, cujus vos humilitas, si ei acquiescitis, sublimabit, paupertas dirabit, mors vivificabit, cujus vos nunc advocate saluberrima monita, invitant premia, ut in aeterna ipsius gloria paulò post suscipi, & in ejus semper amicitia gratulari.

Deest, optat, vox mirantis.

Cumque perorasset Martyr, impiissimi Praefides, rationum pondere oppressi, adhuc, inquit, philosophari, Victor, non desinis? Unum tibi elige, aut placere Deos, aut cum summa infelicitate deperire. Si sic, inquit, proponitis, quod docuimus verbis, exemplis firmandum est. Deos sperno, fateor Christum, quaecumque potestis date supplicia, cumulate tormenta. Exacerbati ergo responsis ejus Praefecti sacrilegi, dum, in lapiando eo, alter alterum crudelitate vincere nititur, in se primitus versi, orta rixa dissentiunt, pro qua recedente Euticio, optatae sortes excrucianti Martyris algeri cedunt.

¶ Eutychio.

Tunc Asterius, sic enim dicebatur, Christi militem mox jubet affigi. Quo facto; cum diutius acerrimè torqueretur, attollens in coelum lumina, piam tolerantiam à misericordissimo patre Deo, cujus id esse donum noverat, precabatur. Nec jam ultra ferens clementissimus Jesus, certatori suo, insigne certaminis, victoriaeque

## *S. Vict. Massiliensis.*

51

victoriaeque signum, crucem videlicet in manibus gestans, in specie consolantis apparuit, dicens, Pax tibi, Victor noster. Ego sum, inquit, Jesus, qui in Sanctis meis injurias, & tormenta sustineo. Viriliter age, & esto robustus; Ego enim tecum sum, fortis adjutor in praelio; qui & fidelis post victoriam remunerator in regno. Ad Salvatoris vocem protinus omnis dolor, cunctaque irrita cessere tormenta. Tunc ille, mente, vultuque alacri, conversus ad laudes immentas, visitatori ac consolatori suo, toto spiritu, gratias referebat.

Lectores autem saevi cum jam lassifecerent, nihil autem se profecisse, tripudiante Martyre, cernerent, depositum patibulo, jussu nefandissimi Praefidis, sub custodia militum in obscurissimum omnium carcerem tradunt. Et ecce benignissimus Jesus, sponsonis suae non immemor, noctis medio, militi suo visitationem Evangelicam mittit. Continuo igitur, solutis carceris claustris, depulsa nocte, totum carcerem die clarior lux coelestis irradiat. Exultans Martyr, laudes Domino cum Angelis leniter se demulcentibus cantat.

Milites ergo, claritatem tanti cernentes fulgoris, ad pedes Sancti, cernui procedunt, veniam flagitant, Baptismum petunt; quos pro tempore diligenter instructos, adscitis Sacerdotibus, ipsa nocte ad mare duxit, ibique baptisatos propriis manibus

manibus de fonte levavit. Manè autem facto, sanctorum militum, Alexandri, Longini, Foeliciani, sic enim eorum nomina dicebantur, divulgata conversione; magnus ille draco Maximianus furore succenditur, feralia edicta proponuntur: Hac omnia in Victorem, quippe qui author fuisset, durius retorqueri; milites verò debere aut consentire idolis, aut capitali sententia condemnari.

Tunc Beatus Victor novos Christi milites præmissurus ad prælia, hujusmodi oratione præmunivit, dicens: O fortissimi commilitones, O gloriosi certaminis antesignani, opus est animis, nunc opus tota fortitudine, fidem, quam nunc Imperatori vestro promissistis, viriliter custodite, imminet enim hostis, adest pugna; vult enim hostis nova tyrocinia vestra repentinus aggredi, ut si incautos invenerit, palmam victoriæ se quodammodò surripuisse gloriatur. Vos autem, Charissimi, non ita negligenter instructi estis, non ita parùm Christum didicistis. Vos quoque non ignoratis prælia, nec perdidistis militiam, sed mutastis. Experiatur igitur Rex noster quos elegit, quibus aciem primam foelicis pugnae commisit. Experiantur & inimici quos impetunt, nec vos degeneres in aliquo sentiant; de quibus tam benè vester Imperator sensit, ut recentissimis tyronibus summam rerum committeret, & primos belli eventus vestrae fortitudini commendaret. Nec  
vos

vos terreant bella, quæ semper bella didi-  
 cistis; nec vos advocent<sup>\*</sup> peritura, qui  
 jam præ manibus æterna videtis: su-  
 perest vobis illa fortiter rapere: superest  
 vobis per medias acies transire: quæ si  
 paulò vobis interius asperiora videntur,  
 ipsum Regem nostrum jamjam per  
 talia transire cognoscite; ipsum, non  
 alium, ducentem<sup>\*</sup> audite: *In mundo prof-  
 suram habebitis, sed confidite, ego vici mun-  
 dum.* Ipsum, inquam, ipsum fiducialiter  
 mente & voce contra omnia dura invo-  
 care: non vobis fideliter invocantibus  
 deerit, qui suis omnibus veraciter pro-  
 misit; dicens: *Ecco ego vobiscum sum us-  
 que ad consummationem sæculi.* Denique  
 hujus rei meipsum vobis exemplum fi-  
 dele propono; dum enim appensus pa-  
 titulo, intolerabilibus cruciaretur angustis,  
 misericordem Dominum supplicibus la-  
 chrymis invocavi, & ecce protinus illum  
 video, gloriosum nostræ Redemptionis fig-  
 num in manu ferentem, & dicentem  
 mihi: Pax tibi, Victor, ne timeas; ego  
 enim sum Jesus, qui in Sanctis meis  
 injurias & tormenta sustineo. Ad cu-  
 jus vocem tanta mihi statim virtus in-  
 fusa, ut nulla penitus supplicia reputa-  
 rem. Quapropter, Charissimi, virtutis  
 vestræ memores, in authorem omnium  
 Jesum Dominum, & quæ ille transie-  
 rit, quò pervenerit, aspicientes, ne ti-  
 meatis, minas volaticas mortalium homi-  
 num, quibus promissa jam præ manibus  
 est

\* l. advocent.

 \* f. docentem  
 vel dicentem  
 Joh. 16. 33.

Matt. 28. 20.

est immortalium societas Angelorum; & momentanea ferte supplicia, ut triumphaliter superare possitis aeterna; & qui antea malebatis mori, quam vinci perpetuo perituri, nunc patimini oro vos vincere, in aeternum postmodum regnaturi.

Talibus armatos, unaque Victorem Sanctum, missi apparitores ad forum superius rapiunt: quibus auditis, certatim ad spectaculum tota penè civitas ruit. Alios furibundæ mentis insania pertrahebat; alii meliore spiritu cupiebant videre Sanctum Martyrem cum Diabolo dimicantem; vulgi concurrentis undique confusio personat; tumultu & clamore omnia replentur; in Sanctum Martyrem maledicta & convicia undique jaciuntur. At ille contra omnia illata robustior permanens, cum ab impiis cogeretur ut vel milites, quos averterat, ad cultus Deorum revocaret: Quæ, inquit, ipse ædificavi, destruere mihi non licet. Interrogati ergo Sancti Alexander, Foelicianus, atque Longinus, in confessione Domini fideliter perseverant, moxque ex Imperiali iussu gladio feriuntur, corporaque projicientes temporalia, vitam potiuntur aeterna.

Sacratissimus autem Victor cernens sanctos milites neci datos, lachrymabili voce Dominum deprecabatur, illorum socius esse martyrio pariter & gloriæ mereretur, quorum post Deum crudeliter



liratis \* & confessionis auctor extitit \* 1. credul-  
 set. Statim igitur gloriosus Martyr, con-  
 clamantibus turbis, undique tunditur. ite-  
 rimque suspensus, fustibus, nervisque  
 taureis \* revocatur ad carcerem: ubi triduo \* f. nervis  
 in oratione perseverans, martyrium suum  
 magna contritione cordis, & multis la-  
 chrymis Domino commendabat. *taureisque.  
 Vulgarè le-  
 stioni faves  
 Vincens  
 Belvacensis.*

Deinde funestus Cæsar, audita constan-  
 tia Martyris, velut ad ultimum tortor  
 infanior reservatus, suis eum aspectibus  
 imperat susti. Tunc, interrogatione facta,  
 Martyr perseverantissimus, idem qui fu-  
 erat in confessione Domini per omnia  
 reperitur. Tum verò, quasi de novo, furor  
 & rabies in Christi militem debacchatur,  
 tum minæ, terroresque, maledicta, &  
 convicia denuò renovantur. Interea Ma-  
 ximianus Jovis aram jubet afferri. Mox  
 igitur coram ipso ara componitur, sacri-  
 legus quoque Sacerdos paratus affistit.

Tunc Imperator ad S. Viçtorem:  
 Pone, inquit, thura, placa Jovem, &  
 noster amicus esto. Hoc audito, fortis-  
 simus Christi miles, S. Spiritus ardore  
 inflammatus, seseque amplius ita \* ferre \* f. iri.  
 non sustinens, velut litaturus propius ac-  
 cedit, aramque de ipsa manu Sacerdotis  
 solo tenens pede prostravit, atque ipsum  
 pedem jussu mox detestabilis Cæsaris am-  
 putatum, Deo & Regi suo Domino  
 Jesu Christo, velut quasdam suaveo-  
 lentes primitias interim sui corporis, de-  
 dicavit.

Ad

Ad ultimum vero, jam totum corpus  
& animam Domino redditurus, edicto  
Caesaris ad molam pistoriā ducitur.  
Ibat autem ita celer & hilaris, ac si  
nihil penitus passus incommodi videretur.  
Igitur cruentum & execrabilis  
Tyranni iussa complentes lictores saevi,  
gloriosum Martyrem toto mox corpore  
rotati celeri conterendum pistoriā mo-  
li supponunt. Tunc electum Dei frō-  
mentum \* sine miseratione conteritur:  
tunc invictissimi Martyris ossa foelicia  
crudeliter conquassantur. Sed cum, dis-  
sipata paulo post divinitus machinā, spi-  
rans adhuc aliquantulum videretur, ad  
perfectam ejus plenamque victoriā, tot  
Domino confessionibus dedicatum, tot  
& tantis agonibus decoratum, gladio illi  
caput abscindunt: quo facto, mox desu-  
per vox coelestis intonuit, dicens: Vicisti,  
Victor Beate, vicisti.

\* Ita se vocat  
B. Ignatius  
Antiochenus.

At infelix Maximianus, speciale Da-  
monum templum, a quibus hactenus  
fuerat superatus, sperans se vincere  
vel desuictos, ad cumulandas Marty-  
rum glorias, omni humanitate sepultura  
posthabita, eorum corpora in pro-  
fundo maris brachio, quo a meridiano  
latere Civitas cingitur, a piscibus devo-  
randa submergi facit. Sed pius Domi-  
nus meliori consilio & honori Sancto-  
rum & posterorum patrocinis provi-  
dens, ministrantibus Angelis, natatu  
celerrimo sancta corpora in oppositum  
litus

littus illæsa transponit, ibique à Christianis in crypta, nativo in saxo operosè & decenter excisa, sepulta, multis usque in hunc diem miraculis honorantur, multaque beneficia, piè petentibus, ipsorum meritis, conferuntur, per Deum & Dominum nostrum Jesum Christum, cui sit laus æterna, virtus, honor & imperium, cum Deo Patre & Spiritu Sancto per infinita sæcula sæculorum. Amen.

Explicit Passio Sancti

*Victoris Masiliensis.*

---

F I N I S.

---

Errata.

Pag. 3. lin. 20. l. Cestis.

Pag. 5. lin. 12. l. Epistolarum.